



SULEQATIGIISITSISUT
SAMARBEJDSPARTIET

UPA2019/51

Tillie Martinussen

07. maj 2019 – Siullermeerneqarnera

UPA2020 tikitsinnagu uangut politikerit mingutsitsinnginnerunissamat silallu pissusaanik allanngortitsinnginnerusussanik iliussissatsinnut innersuussissamik suleqatigiisitamik immikkut ilisimasalinnik inuttalimmik pilersitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Innersuussinerit tamarmik immikkut imaqassapput aningaasatigut kingunerusussanik inuiaqatigiinnut aamma innuttaasunut/sullivinnut.
(Inatsisartunut ilaasortaq Steen Lyng, Demokraatit)


Ataatsimut isigalugu manna siunnersuut saqqummiunneqartoq pitsaasuvoq, Naalakkersuisulli oqarnerattut siunnersuummi siunertarineqartut piviusunit qaangerneqareerput. Naalakkersuisut nersortariaqarput pimoorullugu mingutsitsinngitsunik nukissiuteqalernissaq sulissutigimmassuk, nukissiutit ataavartut aamma avantangiisinut mingutsitsisinnaasut eqqarsaatigalugit taamatullu silap pissusaata allanngoriartornera. Qujanaq.

Taamaakkaluartorli siunnersuuteqartup mingutsitsinnginnerunissamat kissaataa tusaanngitsuusaassanngilarput kiisalu immikkut ilisimasallit oqallinnermut ilanngussaat. Naalakkersuisut isumaqatigaagut suliniutit pitsaasut arlallit aallartinneqareernikummata aamma siunnersuut manna pissutaalluni marloqiusamik allaffissortoqalissanngimmat qaleriimmillu sulisoqarluni. Taamaakkaluartuq isumaqarpugut, immikkut ilisimasalinnik inuttalimmik suleqatigiisitaliornissamat siunertaq isumassarsiatsialaasoq, tassani suliarineqassallutik mingutsitsinnginnerunissamat sammisut, ukiuni aggersunut arlalinnut innersuussutit, isumaqarpugullu aningaasartai aamma ilanngunneqartariaqartut taamatullu nunarsuarmioqatigiinni qanoq ingerlasoqarnersoq.

Oqartoqarsinnaavorli Naalakkersuisut immikkoortumi atorfilinnut pikkorinnerpaanut suliaq ingerlatsilereernikuugaat. Taamaakkaluartorli mingutsitsinnginnerunissaq pillugu ungataani sulisussamik suleqatigiisitaliortoqarsinnaanera ajunngilluinnarpoq. Taamatulli politikkikkut pilersitsisarnerit ajornartorsiutaraat, politikkikkut siunertanut ataqqinnippallaaluatsiartarsinnaanerat taamatullu aalajangingassanut, immikkut ilisimasaqarneq qitiunerutippallaarnagu, soorunami tamatiguunngikkaluartuq.

Taamaattumik innersuussutigissavarput siunnersuutip saqqummiunneqartup allanngortinneqarnissaa, nassuiaasiornermut taarsiullugu ataatsimiititaliami isumaqatigiissutigineqarsinnaavoq anguniakkat pioreersut malinneqassasut aamma suliffeqarfinnit pioreersunit siunnersuutigineqartut soorlu Pinngortitaleriffimmeersut kiisalu innersuussutit pinngortitamik avatangiisinillu illersuiniaqatigiinneersut minnerunngitsumillu Naalagaaffiit Peqatigiit silap pissusaanut anguniagai naapertorlugit suliniartoqassasoq.

Tamakkunannga nakkutilliusussamik suleqatigiisitamik ungataaniit malinnaasussamik pilersitsisoqakuttoorsinnaavoq, arlalinnik innersuussuteqarsinnaasussamik ullumikkut akissaqartissinnaasatsinnik.



**SULEQATIGIISITSISUT
SAMARBEJDSPARTIET**

Taamatut allannguutissamik siunnersuuteqarluta siunnersuutip matuma ataatsimiititaliamut ingerlateqqinneqarnissaa innersuussutigaaarpur aamma isumaliutissiissut pissangalluta utaqquimaarpurput ullumimut naleqqiullugu qanoq iliorluta avatangiisigut paarilluarsinnaanerussanerigut pillugit taamatullu inuit piliai pissutigalugu silap allanngoriartorneranut ikiorsiissutaasinnaasunik.

Avatangiisit, pinngortitap aamma uangut inuinnarnissatsinnut taamatullu aamma uumasut allat inuinnarnissaannut apeqqutaalluinnarpoq nunarsuarmioqatigiit qanoq ikioqatigiillaqqitsiginersugut aamma qanoq pikkoritsiginersugut pinngortitamik avatangiisinillu aserorteriunnaarnissatsinnut.